



RUISANDRO M. CIJNTJE

CIJNTJE TE'I PABO!

Ruisandro M. Cijntje
Parlamentario

+5999 5209840

Ruisandro.Cijntje@parlamento.cw

Presidente di Parlamento
Sr. F Brownbill
Whilhelminaplein 4
Presente

Willemstad, 21 juli 2025

Tópiko: Falta di liderazgo den gobernashon di Kòrsou. Minister Presidente ta ketu òf ta bai skonde ora tin asina tantu iregularidat ta biba den nos komunidat. Un silencio letárgiko dor di e lider máximo di pais Kòrsou.

Apresiabel señor Presidente,

Pa medio di e karta aki, suskrito señor Ruisandro Cijntje miembro di frakshon di Partido Nashonal di Pueblo, ke hasi uso di artíkulo 96 di Reglamento di Ordu i ta hasi e petishon na Presidente di Parlamento pa por dirigí e karta aki na Minister di Asuntunan General, señor Gilmar Pisas.

Atentamente,

Ruisandro Cijntje
Miembro di Parlamento
Partido Nashonal di Pueblo (PNP)

Ruisandro M. Cijntje
Parlamentario



+5999 520-9840



ruisandro.cijntje.parlamento@gmail.com



PARLAMENTO DI KÒRSOU

Parliament of Curaçao • Parlamento de Curazao • Staten van Curaçao

PRESIDENTE DI PARLAMENTO
DI KÒRSOU

Na
Minister Presidente i Minister di Asuntunan General
Sr. G.S. Pisas
Fort Amsterdam 17
Presente

Willemstad, 13 di ougùstùs 2025

Bo referensia:

Bo karta:

Nos number:
24-25/01070-0

Tópiko: Preguntanan conforme artíkulo 96 di Reglamento di Òrdu

Apresiabel señor Minister Pisas,

Konforme artíkulo 96 di Reglamento di Òrdu di Parlamento di Kòrsou, mi ta dirigí un karta na señor Minister ku 13 pregunta di miembro di Parlamento señor R.M. Cijntje.

Nos ta keda pendiente pa e kontestanan.

Atentamente,

Presidente di Parlamento,

Sr. F.H.E. Brownbill

Minister di Asuntunan General

Senor Gilmar Pisas

Fort Amsterdam

Presente

Willemstad, 21 juli 2025

Tópiko : Falta di liderazgo den gobernashon di Kòrsou. Minister Presidente ta ketu òf ta bai skonde ora tin asina tantu iregularidat ta biba den nos komunidat. Un silencio letárgiko dor di e lider máksimo di pais Kòrsou.

Sr. Minister,

Ya pa algun siman tin vários tópiko den prensa lokal ku ta sirkulá rònt, sin ku e lider máksimo di pais Kòrsou ta sali i trese trankilidat i ta splika e pueblo kiko ta vishon di gobernashon pa ku e tema nan asina importante den nos pais. Sin papia mes di tur loke ta biba riba ret nan sosial i den prensa lokal riba imágen di promé Minister di pais Kòrsou.

Komo parlamentario pa pueblo di Kòrsou ta sumamente importante pa tende for di boka di Promé Minister kiko ta tur e akusashon nan ku ta bai rònt rondó di su persona, esaki ta trese trankilidat i konfiansa ku e komunidat aki mester den gobernashon di su pais.

Ademas tin un silencio letárgiko di promé Minister riba kaso nan ku ta resultá direktamente bou di su responsabilidat, por ehèmpel:

1. Akusashon nan grave rondó di kas di Kòrsou. Menshon ta wòrdu hasi di akto nan di korupshon, ultraga trahadó, un maneho destruktivo pa imágen di kas di Kòrsou.

CIJNTJE TE'I PABO!

2. RDK / 2-Bays nada di lokual a primintí no ta kumpliando kuné. Kuantu engaño mas pueblo di Kòrsou mester soportá.
3. Hinter e novela di hinka e gas turbina nan (RDK) den man di Global Oil kiko esaki a nifiká pa preis di koriente i awa. Pueblo ta pagando ketu ketu sin nan sa?.
4. Hinter e kambiamentu di nòmber di Global Oil pa Vigor. Kiko esaki ta nifiká pa pais Kòrsou. Otro kaso igual ku CPR ta na kaminda. Ta bai desmantela refinaria? Ta e plan di Chonky Delanooi ta bai ehekutá?
5. Kiko a para ku e proyekto di asfalt.
6. Ta rekonosé ku ta un fout di laga bullenbaai sin operá ahinda. Esta di no laga nos kompania lokal Curoil operá esaki?. Pues e galiña di webu di oro!
7. Kon a para ku e proyekto nan ku mester a bini na Bullenbaai pa asina yuda karga nos ekonomia.

Último siman nan tin un diskushon amplio den media riba un tema asina importante pa pais Kòrsou ku ta subida di AOV. Mirando ku un minister di e gabinete Pisas III ta sali splika kon tur hende a faya den pasado. Mi a sinti falta di Kòrsou su promé Minister, hefe di gobernashon, sali splika e pueblo di Kòrsou kiko e vishon di e gobièrnu ta pa atendé e asunto asina importante aki. Mi ta komprondé ku e minister mes responsabel esta di SOAW, ainda ta okupá ta pasando den tur dokumento pa e sali splika kiko e ta bai hasi. Pero miéntras tantu pueblo di Kòrsou ta puntra su mes unda e lider di pais ta.

Mi karta ta basa riba e nesesidat ku pueblo tin pa asina haña kontesta riba asunto nan ku ta importante pa pais Kòrsou i imágen di promé minister di Kòrsou. Pueblo di Kòrsou a tuma nota di imágen nan kaminda promé Minister tabata den un avion priva ku a trese basta rumor negativo.

Rason pa kual ami Ruisandro Cijntje Parlamentario pa partido Nashonal di Pueblo representando e pueblo votadó hasiendo uso di artíkulo 96 di nos reglamentu di òrdu di Parlamento di Pais Kòrsou ta aserká bo pa bo akclará e asuntu aki.

1. Mi promé pregunta na bo ta si e foto ku ta aparesé den medionan di komunikashon ta un foto krea òf ku ta basa riba un realidat?
2. Seguidamente mi ta pidi bo si ta posibel ku bo por identifiká e personahenan di kual e notisia ta papia di dje?
3. Tambe ta bon pa sr. Minister Presidente splika ta kiko ta e aktitut di e personanan ku ta kompañá bo riba e biahe ta, ku ta hasi ku e notisia ta kore ku ta hendenan di komportashon dudoso i tambe ta di ki gravedat e komportashon di nan ta?
4. Ta posibel ku sr. Minister Presidente por splika si ta di bèrdat ta trata di un avion i vuelo priva òf ta trata di un komersial? I si ta asina ta kual e ta?
5. Mirando ku sr. Minister Presidente ta na un flus bisti ta pone mi imaginá ku aki ta trata na un reunion òf enkuentro ku un toke ofisial.
6. Mi ta klousura e parti aki na puntra si sr. Minister Presidente por splika ki balor e reunion/enkuentro ei tabatin pa e pueblo votadó?

E preguntanan hasi ta duna sr. Minister Presidente oportunidat pa akclará e asuntu i kisas neutralisá e negativismo ku e notisia aki ta trese ku n'é rondó di imágen di Promé minister di pais Kòrsou.

Komo miembro di Parlamento di Kòrsou, representando e pueblo votadó mi ta sugerí, sr. Minister Presidente pa splika i duna akklarashon riba e akusashonnan aki.

Pa finalisá mi ta kier tende ki dia parlamento ta haña e proposishon di lei pa subi AOV, mi NO kier tende e historia ku ta situashon ku gobièrnu a bin haña, ku den pasado niun hende no a hasi nada etc.

RUISANDRO M. CIJNTJE

CIJNTJE TE'I PABO!

Pasobra ta netamente e situashonnan ei a pone ku sr Minister Presidente ta sinta ku un respaldo parlamentario di 13 asiento.

Ta pa drecha e situashon inhustu ei. I no pa skonde tras di motivashonnan debil/ infantil ku ta hasi e situashon di Pais bira mas pió.

Mi persona lo ta den espera di e proposishon di lei pa asina nos bai ki akuerdo pa un subida di AOV na e montante di CG 1500,- pa luna manera sr. promé Minister su partido (MFK) a primintí pueblo di Kòrsou durante kampana. Lo mi no spera nada ménos ku ta loke a primintí nos dushi hende nan.

Di antemano danki,


12-8-'28
Ruisandro Cijntje

Miembro di Parlamento Kòrsou

Partido Nashonal di Pueblo (PNP)